

Nipilersorneq A – 2022

1. Ilinniartitsissutip inissisimanagera

Nipilersornermik ilinniartitsissummi atuagarsorneq-ilisimatusarneq, kusarnartulerineq, eqqumiitsuliamik pilersitsineq nipilersornerullu nunarsuarmi takutitseriaataaneramik tunngaveqarluni tusarnaartitsinnermut sammitinnera katitinnerisigut, inulerinerup, pinngortitalerinerup inuiaqatigiilerinerullu ilaat ataatsimoortinneqarput. Nipilersornermik ilinniartitsissut nalinginnaasumik perorsaataanermigut, ilinniagaqarnissamut pereersaataanermigut, kinaassutsimik ineriartortitsisuunermigut kulturimillu pilersitsisuunermigut ilinniagaqartarnermi kalaallilu kulturimik ingerlatsineranni pingaarutilimmik inissisimavoq.

2. Ilinniartitsissummi siunertat

Ilisimasat piginnaasallu

Ilinniartut ilisimasaqarnikkut piginnaasaqarnikkullu suliaqarfimmi sakkusaqassapput, taamaalillutik nipilersorneq pillugu oqaluttarissamik allattarissamillu takutitsisinnaassallutik, taamaalillutillu kisimiilluni nipilersoqatigiinnilu nipilersorneq atorlugu takutitsinnermik nammineq ineriartortitsinissamut piviusungortitsinissamullu piginnaasaqassaallutik.

Iikkagaqartarnermi sulinermilu piginnaasat

Ilinnartut nipilersornermi pissutsinilu nipilersornermut tunngasunik sukumiisumik nammineerlutik ingerlataqarnissaminnut nalilersueqqissaarnermik piginnaasaqassapput. Ilinniartut nipilersuusiorsinnaassuseqassapput, nalilersueqqissaarsinnaassuseqassallutik isummorsinnaassuseqarlutillu nipilersornermi tunngavinnik, nipilersornermik ilinniarnermik, tusarnaarsinnaanermik ilinniarnermik nipilersornerlu pillugu atuagarsornermik suliaqarnikkut piginnaasaqartilerneqassapput. Siunertat taakku oqaluttuinnarluni allattariarsorlunilu sulinikkut anguneqassapput, tamassumanilu ilinniartut perorsarsimasuulissapput ilinniarnermilu piginnaasaqalerlutik.

Inuttut inuillu akornanni piginnaasat

Ilinniartut eqqumiitsuliornermikkut takutitsisarnermik misigisassarsiortitsisarnermillu piginnaasaqalissapput. Ilinniartitsissummi ilinniartut tassunga peqatigitillugu nutaaliorsinnaassuseq ineriartortissavaat. Ilinniartut pipilersornermik piginnaasanik nipilersornermillu suliaqarnerminni akisussaassuseqarnermik, imminut aqussinnaanermik, nammineersinnaanermik, sammisaqarsinnaasumik suleqatigiissinnaanermillu takutitsissapput piffissarlu sivisooq atorlugu suliaqarnermik aaqqissuussisinnaassallutik.

Kulturikkut inuiaqatigiinnilu piginnaasat

Ilinniartut nipilersornermik ilinniartitsissummut atatillugu nipilersornermik paasinninnerup aamma kulturimik avatangiisinillu paasinninnerup annertusarnissaat siunertaralugu nunarsuarmut, oqaluttuarisaanermut, inuiaqatigiinnut kulturimullu atassuteqartitsinerit ilanngussinnaassavat.

3. Iikkagassatut anguniakkat imarisaallu

3.1 Iikkagassatut anguniakkat

Ilinniartut:

Nipilersornermik piginnaasat

- a) nipilersornermik ilinniartitsissummi atuagarsorneq, aamma annertuumik assigiinngissutaanni nipilersoriaatsit tusarnersut grafikkinnorlugulu saqqummiinernik taaguutit oqaluttarisarsorluni allattariarsorlunilu nalilersueqqissaanerit atorsinnaassavaat,
- b) nipilersornermik, tassunga ilanngullugit kalaallit nipilersugaannik nunarsuarmut, oqaluttuarisaanermut, inuiaqatigiinnut, kulturimut, nipilersoriaatsit imminnut atanerannut sanilliullugu nalilersuisinnaassapput,
- c) nipilersorsoqatigiissuarnut partiturit ilisimanerat takutissinnaassavaat,
- d) digitalinnorlugulu allaganngorlugulu nuutinik atuagarsorneq tunngavigalugu suliaqarsinnaassapput,
- e) ilinniartitsissummik ilisimasat periutsillu atorlugit ajornartorsiutit misissorsinnaassavaat, aaqqiissutissat ineriartortissinnaassavaat nalilersorsinnaallugillu,
- f) paasissutisarsiffissat ilinniartitsissummut tunngasut ujartorsinnaassavaat, suliareqqissinnaassavaat isortartorsiullutillu atorsinnaassallugit.

Nipilersorneq

- g) nipilersornermi takutitseriaatsit ineriartortinnissaat piviusunnortinnissaallu siunertaralugu naamineerlutik allallu peqatigalugit nutaaliortutik sulisinnaassapput,
- h) kisimiilluni tulleeiillunilu erinarsuutit, satsit normullu kalaallit nunanilu tamani nipilersuutit atorlugit vokalistitut nipilersuutillu atorlugit tusarnaartitsisinnassapput,
- i) Nammineerluni tusarnaartunut tusarnaartitsinissaq siunertaralugu nipilersuutinik aaqqissuinerit suleqatigiillutik sungiusassavaat aamma
- j) Nipilersuutit atortullu taakkununga atasut tusarnaartitsinerup annikinnerusup ingerlannissaanut pisariaqartut ikkussorsinnaassavaat, atorsinnaassavaat piiarsinnaallugillu.

3.2. Ilinniartitsissutip imarisai pingaarnerit

Ilinniartitsissutip imarisai pingaarnerit tassaapput:

Nipilersornermik piginnaasat

- a) nipilersugassiat immikkoortui, nipilersuusiat normullu annertunerusut piffissap ingerlanerani kulturillu akimorlugit piffissani nipilersoriaatsillu annertuumik assigiinngussutaaneersut,
- b) piffissap ingerlanerani nipilersornerup oqaluttuarisaanerani nipilersornermilu kulturimi pissutsit, tassunga ilanngullugit kalaallit nipilersuutaat pillugit,
- c) nipilersornermik sammisat ikinnerpaamik marluk, taakkunanga ataaseq nipilersuusiormik suliniut
- d) nipilersuutinik nalilersuinermut nipilersorfigineqarnermullu atorneqarnissaat siunertaralugu nipilersuutinut uuttuutit, nipilersornermik ilinniarneq, tusarnaarnermik ilinniarneq nipilersornerlu pillugu atugarsorneq,
- e) nipilersorfigineqarneq aamma nipilersuutinik aaqqissuussineq pillugu atuagarsorneq suliaqarnerlu,
- f) nipilersuutinut toqqakkanut tunngatillugu taallat.

Nipilersorneq

- g) nipilersoriaatsinik ilisimasaqarneq, nassuiaasersuineq tusarnaartitsinissarlu siunertaralugu sungiusarneq,

- h) kisimiilluni erinarsuutit assigiinngiaartut nunamit namminermeersut nunaniillu allaneersut,
- i) tulleeiriilluni erinarsorluni nipilersuutillu atorlugit nipilersugassiat ilaat assigiinngiaartut nunamit namminermeersut nunaniillu allaneersut,
- j) nipimik atuineq nipilersuutillu atorneranni teknikkitt,
- k) nipilersuutininik sungiusarneq nipilersornerlu, kisimiilluni nipilersoqatigiillunilu aamma
- l) nipilersutinik aaqqussuinermik atuagarsorneq suliaqarnerlu.

3.3 Ilassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Ilassutit ilinniakkani ilaatigut teknologi, radiomi, tv-mi internetimilu, kulturikkut, inuiaqatigiit, ingerlatitseqqiisarneq kiisalu tarnip pissusaani misigisaatsinullu tunngasut pillugit nipilersornermik ilisimatusarnermi ajornartorsiutit ilanngunnerisigut ilinniartitsissutip imarisa pingaarnertit itisilerneqassapput. Ilassutitut ilinniakkat aamma nipilersornermik kulturit akimorlugit nipilersoriaatsinik isummersornermut ilinniartitsissutinullu arlalinnut nipilersoriaatsit atassuteqartitsinermut aamma atorneqassapput.

4. Ilinniartitsinerup aaqqussuunneqarnera

4.1 Ilinniartitseriaatsimi periutsit

- a) Ilinniartitsinermi ilinniartut ilinniartitsissummi qaffasissusiat ilisimasaallu aallaavigineqassapput.
- b) Ilinniartitsineq imatut aaqqussuunneqassaaq sapinngisamik annertunerpaamik ilinniartitsisup ilinniartullu akornanni ilikkagaqartarnermi oqaloqatigiittarnerussalluni.
- c) Ilinniartitsineq imatut aaqqussuunneqassaaq, ilinniartut imminut atasoqarneranik misigissallutik aamma nipilersorneq piginnaasallu paarlakaajaarneqartassallutik. Nipilersorneq pilersornermillupiginnaasat imminnut taperseqatigiipput, tassa qaffasissutini tamani niperlersukkat nipilersornerlu oqaloqatigiissutigineqartassammata, nalilersorneqartassammata oqallisigineqartarlutillu.
- d) Ilinniartitsineq imatut aaqqussuunneqassaaq ilinniartut nipilersornermik misisaqarnerat ilinniartitsissummi atuagarsornermik piginnaasaqarnerat, taaguut periutsillu ilikkagaqavittarneq atuagarsorlunilu ilikkagaqartarneq ataatsimoortinnerisigut pitsaassusilerneqassalluni.
- e) Ilinniartitsineq imatut aaqqussuunneqassaaq ilinniartut assigiinngiaartut, ilikkagaqariaasiat pisariaqartitaallu mianerineqassallutik.

Nipilersornermik ilinniartitsinermi ilikkagaqartarneermi nalilersuinermi qaffasissutsit uku sammineqarput, tassani misissuinermi misilittaanermilu tunngaviit ilaallutik:

- a) misigisaatsit (tusarnaarneq, misigisaqarneq),
- b) nipilersuutininik atueqqineq (nipilersuusianik pioreersunik nipilersorneq),
- c) issuaaneq,
- d) nipilersuusiorneq (nipilersuusiorneq, piareersaqqaarani nipilersorneq, aaqqussuineq),
- e) nassuiaasioarneq
- f) isummersorneq (atassuteqartitsineq).

4.2 Suleriaatsit

Ilinniartitsinermi ilinniartitsissummi sammisanik aqqissuussamik tunngaviumik ilisimasat saqqummiunneqartput, tassunga ilangullugit nipilersornerup oqaluttuarisaanerani tamanik takunnissinnaneq atassuteqarnernillu. Ilinniartitsineq aamma sammisaqartarluni, klassimi aqqissuussamik ilinniartitsinikkut, suliniuteqartarnikkut nutaaliortarnertullu aqqissuunneqassaaq, tassa nipilersorluni atuagarsorlunilu immikkoortut ilanngunneqassallutik.

Piffissaq ilinnartitsiviusoq tamassuma kingorna nipilersornermik piginnaasat pillugit ikinnerpaamik marlunnik sammisaqarnikkut aqqissuunneqassaaq, ataaseq nipilersornermik atuagarsornermillu imaqartillugu nipilersuusiornermik suliniutaasinnaalluni. Sammisat imaluunniit suliniut sammisarlu (-sallu) nipilersoriaatsinik oqaluttuarisaanermilu assigiinngiulluinnartuussallutik. Sammisaaq ataaseq tassaassaaq piffissat aamma/imaluunniit nipilersoriaatsit assigiinngitsut.

Suliniuteqartut nipilersuusiorluni suliniuteqarnermut atatillugu suliaqarnermut, tassani nutaaliornermik isumassarsiaq imaluunniit ilinniartitsissummi aallaavik anguneqartullu uppersaasiorneqassapput. Tamanna tassaavoq ilinniartitsisup nipilersuusiornermik suliniummut inaarutaasumik misiliutissamik suliaqarnermini tunngavissaa. Uppersaasiorneq soraarummeernermut tunngaviuvoq, naliliinermulli tunngaviunani.

Ilinniartut ilinniartitsissummi oqaatsinik siullertut oqaaseqartut aappaattullu oqaaseqartut isiginiarneqassapput.

Allattariarsorluni sulineq imatut imatut pilersaarusiorneqassaaq siuariartortoqarluni aqqissuussamillu sulisoqassalluni, ilinniartut taamaalillutik allattariarsornermi ilinniartitsissutit allat ilisarinnassallugit. Ajornannginerusunik sungiusarnerni ilinniartut ilinniarneq tamaat pilersuutit nipilersornerlu pillugit allattariarsorlutik takutitsisinnassapput. Tamassumani nipilersornermik ilinniartitsissummi ilinniartut taaguunik pilersitsisarnerat taperserneqassaaq. Allattariarsorluni sulinermi nipilersorneq pillugu atugarsorneq, tusarnaarnermik ilinniarneq, nipileronermik ilinniarneq nipilersornerlu ilanngunneqassapput. Ilinniartut akissutaat nalilersuinissaaq pitsanngortitsinissarlu siunertaralugit klassimi ingerlaavartumik saqqummiunneqartassapput. Piffissap ilinniarfiusup ingerlanerani ilinniartut allattariarsornermi piginnaasatik nipilersuutininik aqqissuunerit naammassisat suliarinerannut atortassavaat, tamassumalu kingorna klassimut tusarnaartunulluunniit allanit misilerarneqartassallutik nipilersorneqartassallutillu.

Nipilersornermi sungiusarnerit ilinniartitsissumit aqunneqartut aamma ilinniartitsisoq siunnersortigalugu ilinniartunit aqunneqartumik nipilersoqatigiinnerit paarlakaajaanneqassapput. Saqqummiisarneq ilikkagaqartarnerup pingaarutilimmik ilagaa, ilinniartitsinerullu ilaatut tusarnaartunut nipilersornissaaq suliniutigineqartassalluni. Nipilersornermut atatillugu, tusarnaartitsineq, nipilersuutininik siumut immiussat, videonngorlugu nipilersorneq, radiomi aallakaatitaaq allatulluunniit naleqquttoq pineqarpat, nipilersuutininik naleqquttunik ilinniartut nammineerlutik nipilersornissaannut pisariaqartut atornissaannik ilinniartitsisoqassaaq. Tamassuma kingorna nipilersornerup ineriartoqqinnissaanut tunngavissatut isummersortoqartassaaq. Ilinniartut piffissap ilinniartitsiviup avataani ilinniarfiup atortuinik ininilluunniit atuinissamik piumasaqarsinnaanngillat.

Nipilersornermik ilinniartitsinermi nipilersortartunut allanut attaveqartilersitsisoqassaaq. Nipilersornermik ilinniartitsissutip inuiaqatigiinnilu avatangiisiusuni atorveqarnerani ilinniartut suliffeqarnermi qaffakkiartornermi piginnaasaat pitsaassutsimillu paasinninnerat qaffassarneqassapput.

4.3 It

IT nipilersornermi A-mi ulluinnarni ilinniartitsinermi, ilinniarnep ingerlannerani immikkoortuni ataasiakkaani, allattariarsornermi, nipilersuusiornermik suliniutip ilaatut, nipilersornermik taannalu pillugu digitalinngorlugu ingerlatitseqqiisarnermut pingaaruteqarpoq, assersuutigalugu nipimik immiussinermi aqqissuussinermilu, nipimik suliareqqiinermi, nipilersuusiornermi, aqqussuinermi piginnaasanillu sungiusarnermi.

Nipilersuutiniq, videonik raadiumiillu pissarsisinaneq kiisalu internetimi inuit attaveqartarfiinik toqqorsivinnillu sullissisunik atuisinnaaneq ilinniartitsissummut ilaapput.

Ilinniartut ilinniartitsissummi ineriartornermut tapersiutitut namminneq ilikkagaqartarnermi digitalimik piginnaasaminnik uku aallaavigalugit atuisinnaassapput:

- nipilersuutiniq nipilersoriaatsimik digitalinngorlugu ingerlatitseqqiisarnerannut ilaassapput tapiissutaallutilu
- nammineq allallu nipilersuutaannik atuinermi nutaaliorsinnaassapput, akisussaassuseqassapput ataqqinnillutillu, tassunga ilanngullugit nipilersuutiniq toqqorsivimmit allammut nuussisarnerit – nuutit tunngavigalugit, allaganngorlugu nipilersuutit imaasa digitalimik suliaqarnermi tunngaviumik atortuiniq atuisinnaaneq.

4.4 Ilinniartitsissummi oqaatsit

Ilinniartitsineq imatut aqqissuunneqassaaq, ilinniartut ilinniartitsissummi, immiussivimmi teknikki pillugit taaguutiniq qularnaatsumik paasinnikkiartortilerlugit atuisinnaajartortilerlugillu. Ilinniartitsineq imatut aqqissuunneqassaaq ilinniartut ilinniartitsissummi oqaatsinik ilinniartitsissummi taagaatunik atuinermik aqqissuussamik ineriartortitseqqiisillugit. Taamaaliornikkut ilinniartut nipilersorneq pillugu oqaatsinik atuinerat pitsanngorsaqinneqassaaq. Tamanna atuuppoq nipilersornermut nipilersornermillu piginnaasaqarnermut tunngatillugu.

4.5 Ilinniartitsissutinut allanut atassuteqartitsineq

Ilinniartitsineq imatut aqqissuunneqassaaq, piffissat ilaanni ilinniartitsissutit akimorlugit suliaqartarluni, ilinniartitsissutinilu allani ilisimasamik sanilliussisoqartarluni. Nipilersorneq A ilinniartitsissummi eqqumiitsuliornermi kusanartaliornermut allanut ilinniartitsissummut atassuteqartitsinermut ilaappat, suleqatigiissitsinermi ilinniartut kusanartuliornermik ilisimasaat avatangiisit pillugit immikkut ittumik isummernermut ilanngunneqassapput, tassunga ilanngullugit eqqumiitsuliornermi kusanartuliaq assigiissutaat assigiinngissutaallu. Nipilersornermik ilinniartitsissut ilinniartut imminnut avatangiisinillu paasinnerannut atassuteqartitsivoq, taamaaliortoqarsinnaatillugulu ilinniarnermi ilinniartitsissutinut allanut atassuseeqataalluni, tassa nipilersornermik ilinniartitsissut immikkoortuni pingaarnerni inulerinermi, pinngortitalerinermi inuiaqatigiilerinermilu immikkoortunut ilaammat.

5. Nalilersuineq

5.1. Ingerlaavartumik nalilersuisarneq

Ingerlaavartumik nalilersuisarnermi siunertaq tassaavoq ilinniartut suliamik siunissami ingerlatsinerminni ineriartornerminnik isummersortilernissaat. Ilinniartitsisoq ilinniartut nipilersornermik piginnaasaqarnermik suliaqarnerat tunngavigalugu ilinniartut ataasiakkaat ilinniartitsissummi angunaikkanik qanoq angusaqarnerusinnaanerannik ilitersuisassaaq. Nipilersornermik ilinniartitsissummi nipilersornermik ingerlatsineq kinguneqarpoq nipilersornermik ingerlaavartumik nalilersuisoqartarnissaa pitsanngoriaateqartoqarnissaalut. Nalilersuinermi tassani ilinniartitsissummi eqqumiitsuliornermi immikkoortut ilanngunneqartassapput. Ilinniartunik katiterilluni nalilersuinermi nipilersorneq nipilersornermillu piginnaasaqarneq naligiisillugit nalilerneqartassapput.

5.2. Misilitseriaatsit

Nipilersornermik nipilersornermillu piginnaasanik oqaluttariarsorluni ataasiarluni misilitsittoqassalluni. marloqiusanngorlugu avillugu

Allattariarsorluni misilitsinneq

Nipilersorneq pillugu atuagarsornermik allattariarsorluni misilitsinnermi tiiminik tallimanik piffissaliisoqassaaq. Allattariarsorluni misilitsinnermi suliassat soraarummeertup nuutiniq allannermi programmimik digitalinngorlugulu audiomik tusarnaarnermut atortunik peqarnissaa piumasaqaatigalugu suliarineqassapput.

Ini misilitsiffik nipilersuutiniq pattafileknik peqassaaq. Soraarummeertoq tamassuma saniatigut nipilersuummik nammeneq toqqakkaminik nassarsinnaavoq

Oqaluttariarsorluni misilitsinneq

Oqaluttariarsorluni misilitsinneq marlunnet agguarneqarpoq, soraarummeertumullu ataatsimut piffissaq 40 minutsit missaaniissapput.

Mislitsinnerup immikkoortua siulleg tassaavoq nipilersornermik piginnaasanik misilitsinneq. Soraarummeertumut ataatsimut piffissaq soraarummeerfik minutsit 30-it missaaniissaaq., minutsinilu 60-it missaanni piareersartitsisoqassalluni.

Mislitsinnermi tunngavik tassaavoq nipilersornermi sammisani ikinnerpaamik marlunni imaluunniit nipilersornermik sammisami ikinnerpaamik ataatsimi aamma ilinnirtitsinermit nipilersuusiortuni suliniut. Nipilersornermik sammisani misilitsinnermi atortut tassaassapput nipilersuummik ataatsimik arlalinnilluunniit imiusineq imaluunniit taassuminnga katillugu sivilunerpaamik minutsinik qulinik sivilussuseqartumik naalisaaneq, nuutit aamma/imaluunniit nipilersuummik tusarnersumik taassumauunniit ilaanik grafikkinnngorlugu atortunillunniit allanik takutitsineq. Partiturit atorlugit nipilersuummik immikkut ajornakusoortumik misilitsinnermut atatillugu ilinniakkat ilisimaneqartut ilanngunneqarsinnaapput. Nipilersuusiortnermik suliniummik misilitsinnermi atortut tassaassaput suliniummi saniatigut ilinniakkat piareersarfigineqarsimanngitsut, suliummut suliniummullu namminermt uppernarsaatit. Misilitsinnermi atortut holdemi ataatsimit amerlanerpaamik pingasoriartut atorneqarsinnaapput.

Soraarummeersitsineq soraarummeertup saqqummiussineranik aallartinneqassaaq, tamassumalu kingorna misilitsinnermi atortut aallaavigalugit soraarummeertup soraarummeersitsisullu oqaloqatigiinnerisigut ingerlanneqassalluni.

Ini piareersarfik nipilersuutini tusarnaarutinik naleqquttunik noqartilimmillu nipilersuummillu pattaffilimmik peqassaaq. Soraarummeertup nipilersuut nammineq toqqakkani nassarsinnaavaa.

Misilitsinnerup immikkoortuata aappaa tassaavoq nipilersorneq soraarummeertumut ataatsimut minutsit qulit missaaanni sivisuussusilik.

Soraarummeertoq nipilersuutini marlunni nammineq toqqakkani, vokalini, nipilersuutinik, kisimiilluni nipilersornermi nipilersoqatigiinnilu ataatsimoorluni nipilersornermi nipilersoqatigiinni piginnaasani takutissavai. Nipilersoqatigiit tassaaput soraarummeertut ikinnerpaamik marluk. Soraarummeertup holdimi ilinniartitsisumit siumut akuerineqarsimappat takutitsinnermini ikiorteqarsinnaavoq, ikiortili misilitsinnermi nalilerneqassangilaq. Soraarummeertup ikiortillu suliassaat soraarummeertitsisumut censorimullu erseqqarissapput.

Soraarummeertoq pisuni immikkut ittuni nipilersoqatigiini pingasut tikillugit peqataasinnaavoq nalilerneqarlunilu.

Piffissami ilinniartitsinnermi tiimip kingulliup oqaluttariarsorlunilu misilitsinnerup akornanni ilinniartitsisup ataatsimut nipilersornissaq siunertaralugu nipilersornermi piginnaasat attatiinnarlugit marloriarluni pingasoriarluni holdi naapissavaa.

Imminnut ilinniartittut

Imminnut ilinniartittut kisimiilluni erinarsuutinik marlunnik erinarsornermik misilinneqassapput. Imminnut ilinniartittut nipilersortoqarsinnaaneq nammineq isumasigissavaat. Kisimiilluni erinarsuut ataaseq censorip kisimiilluni erinarsuutit arlalinnit erinarsuutinik qulinit ilinniartunit katiterneqartunit toqqassavaa. Soraarummeertup vokalimik piginnaasani kisimiilluni marlunnik erinarsornikkut takutissavai.

Imminnut ilinniartittut nipilersornermi piginnaasani nipilersornermik sammisani ikinnerpaamik ataatsimik makitsinikkut misilinneqassapput. Nipilersuusiordermi suliniutaasinnaasumik ataatsimik misilinneqarnissamik periarfissaq atorunnaassaaq. Nipilersuusiordermik suliniut tassaassaaq nipilersorneq pillugu sammisani ikinnerpaamik marluk akornanni ataaseq misilitsiffiuppat makitsoqassangilaq, tassanilu imminnut ilinniartittut nipilersorneq pillugu sammisat sinneranni misilitsissapput.

Misilitsinneq aamma ilinniagassatut pilersaarummi allaaserineqartutut ingerlanneqassaaq.

Napparsimanerup kingorna soraarummeerneq

Napparsimanerup kingorna soraarummeernermi misilitsinnermi nipilersornermik piginnaasani kisimiilluni nipilersukkanik marlunnik soraarummeertumit nammineq toqqakkanik soraarummeertitsisoqassaaq, tassanilu ataatsimut nipilersorneq atorunnaassaaq.

Napparsimanagerup kingorna soraarummeernermi soraarummeertup vokalinik nipilersuutinillu piginnaasanik takutitsinissaanik piumasaqaat atorunnaassaaq.

Misilitsinneq aamma ilinniagassatut pilersaarummi allaaserineqartutut allatut ingerlanneqassaaq.

5.3. Naliliinermi tunngaviit

Naliliineq tassaavoq soraarummeertup saqqummiussinermini ilinniartitsissumi anguniakkat imm. 3.1-imi allaaserineqartut assinginik qanoq eqqortitsineranik naliliineq.

Allattariarsorluni misilitsinneq

Misilitsinnermi uku pingaartinneqassapput:

- ilinniartitsissummi nipilersorneq pillugu atuagarsornermut tunngatillugu vokalinik/nipilersuutit atorlugit nipilersuutit ilaannik suliaqarneq, nipilersoriaatsimik tunngavik toqqarneqartoq taassumalu atortut,
- nuutininik allaganngorlugit periuseq partiturinillu aqqissuineq aamma
- nipilersornermik nalilersuineq.

Ataatsimut naliliineq aallaavigalugu karakteriliisoqassaaq, tassa nipilersorfigineqarneq 2/3-ip missaani missaaniissaani naleqassammat nipilersornermillu nalilersuineq 1/3-ip missaani nalilerneqarluni.

Oqaluttariarsorluni misilitsinneq

Nipilersornermik piginnaasanik misilitsinnermi pingaartinneqassapput:

- nipilersorneq pillugu atuagarsornermik taaguutinillu sukumiisumik ilisinasaqarneq nipilersornermillu nalilersuineri taassuminnga atuisinnaaneq,
- nipilersornerup oqaluttuarisaanerimi, inuiaqatigiinni, kulturimi, nunarsuarmi, nipilersoriaatsini pissutsinik sukumiisumik ilisimasaqarneq aamma pissutsip eqqumiitsuliornermillu takutitseriaatsip imminnut ataqatigiinnerannik nassuiaasinnaassuseq oqallisigineqarsinnaassuseqarneq,
- nipilersornermi nuutininik atuarsinnaassuseqarneq aamma
- nipilersorneq pillugu sammisani imaluunniit nipilersuusiornermik suliniummi ajornartorsiutinik nipilersornermut tunngasunik nassuiaasinnaassuseqarneq oqalliseqarsinnaassuseqarneq

Nipilersornermik misilitsinnermi uku pingaartinneqassapput:

- soraarummeertup nipilersornermik takutitsinissamik aamma nipilersoqartigisat allat oqimaaqatigalugit nammineq ingerlatsineri misigisaqarsinnaassusia aamma
- soraarummeertup vokalinik nipilersuutinillu piginnaasaqarnera nipilersornermillu takutitsineri siunertaa.

Soraarummeertup ingerlatsinerani ataatsimut naliliineq aallaavigalugu karateriliisoqassaaq. Nipilersornermik piginnaasaqarneq nipilersornerlu oqimaaqatigiissinneqassapput.